

दशमोऽनुवाकः ।

इ॒यं वा॒व स॒र॒धा । तस्या॑ अ॒ग्निरे॒व सा॒र॒धं म॒धु । या
ए॒ताः पू॒र्वप॒क्षापर॑प॒क्षयो॒ रात्र॑यः । ता म॒धुकृ॑तः ।
या॒न्य॒हा॒नि । ते म॒धुवृ॑षाः । स यो ह॒वा ए॒ता म॒धुकृ॑तश्च
म॒धुवृ॑षाश्च वे॒द । कु॒र्वन्ति॑ हा॒स्यै॒ता अ॒ग्नौ म॒धु । ना॒
स्ये॒ष्टा॒पूर्त्तं॑ ध॒यन्ति॑ । अथ॒ यो न वे॒द ॥ १ ॥

न हा॒स्यै॒ता अ॒ग्नौ म॒धु कु॒र्वन्ति॑ । ध॒यन्त्य॑स्ये॒ष्टा॒पूर्॒
त्तम् । यो ह॒वा अ॒हो॒रा॒त्राणां॑ ना॒म॒धे॒या॒नि वे॒द । ना॒
हो॒रा॒त्रेष्वा॒र्त्ति॒मा॒र्च्छ॑ति । स॒ञ्ज्ञानं॑ वि॒ज्ञानं॑ दर्श॑दृष्टेति ।
ए॒ताव॑नुवा॒कौ पू॒र्वप॒क्षस्या॑हो॒रा॒त्राणां॑ ना॒म॒धे॒या॒नि ।
प्र॒स्तु॒तं वि॒ष्टु॒तं सु॒तामु॑न्वतीति* । ए॒ताव॑नुवा॒काव॑पर॒
प॒क्षस्या॑हो॒रा॒त्राणां॑ ना॒म॒धे॒या॒नि । नाहो॒रा॒त्रेष्वा॒र्त्ति॒मा॒
र्च्छ॑ति । य ए॒वं वे॒द ॥ २ ॥

यो ह॒ वै मु॒हूर्त्त॑ानां॑ ना॒म॒धे॒या॒नि वे॒द । न मु॒हूर्त्ते॑
ष्वा॒र्त्ति॒मा॒र्च्छ॑ति । चि॒त्रः के॒तुर्दा॒ता प्र॒दा॒ता स॒वि॒ता प्र॒
स॒वि॒ताभि॑शा॒स्तानु॑म॒न्तेति॑ । ए॒तेऽनु॑वा॒का मु॒हूर्त्त॑ानां॑
ना॒म॒धे॒या॒नि । न मु॒हूर्त्ते॑ष्वा॒र्त्ति॒मा॒र्च्छ॑ति । य ए॒वं वे॒द ।
यो ह॒ वा अ॒र्द्ध॑मा॒साना॑ञ्च॒ मा॒साना॑ञ्च॒ ना॒म॒धे॒या॒नि